

TEKS UCAPAN PERASMIAN

**YANG AMAT BERTHORMAT
DATO' SERI UTAMA HAJI AMINUDDIN BIN HARUN
Menteri Besar Negeri Sembilan**

**SEMPENA
Karnival Sukan Mahasiswa UiTM ke-29
(KARISMA 2024)**

**27 FEBRUARI 2024 | SELASA | 8:00 MALAM
DEWAN BIDUANDA, UiTM CAWANGAN NEGERI SEMBILAN
KAMPUS REMBAU**

Bismillahirrahmanirrahim.

Alhamdulillah Robbil 'Aalamiin
Wasolaatu Wassalaamu 'Alaa Asyrafil Anbiyaa Wal Mursaliin,
Wa 'Alaaalihi Wasohbihi Ajma'In.

Yang Berhormat

Tuan Hj. Mustapha Bin Nagoor
EXCO Kerajaan Negeri, Pengerusi Jawatankuasa Bertindak Pembangunan
Belia dan Sukan

Yang Berbahagia

Dato'Masri Bin Haji Razali
Datuk Bandar Majlis Bandaraya Seremban

Yang Berbahagia.

Profesor Datuk Dr. Shahrin Bin Sahib @ Sahibuddin, Fasc
Naib Canselor
Universiti Teknologi MARA

Yang Berbahagia

Prof. Dr. Hj. Mohd Sazili Shahibi
Timbalan Naib Canselor Hal Ehwal Pelajar
Universiti Teknologi MARA

Yang Berusaha

Tuan Azizol Bin Duralim
Ketua Pegawai Eksekutif
MBAS TECH PLT

Yang Berusaha

Puan Shahada Binti Hamid
Ketua Pegawai Operasi
MBAS TECH PLT

Yang Berbahagia

Dato' Haji Sabuddin Bin Haji Sani
Pengarah
Majlis Sukan Negeri, Negeri Sembilan

Yang Berbahagia Profesor Dr Yamin Yasin
Rektor
UiTM Cawangan Negeri Sembilan

Yang Berusaha
Pengurusan Rakan Strategik KARiSMA UiTM Cawangan Negeri Sembilan
dari Extra Joss dan Baju Barn

Pengarah-pengarah Pusat Bahagian Hal Ehwal Pelajar UiTM , Barisan Rektor, Barisan Timbalan Rektor Hal Ehwal Pelajar UiTM Cawangan, Jawatankuasa Eksekutif Negeri UiTM Negeri Sembilan, Tetamu Jemputan, atlet pelajar UiTM yang dikasihi dan barisan sukarelawan serta seluruh ahli jawatankuasa KARISMA ke 29 yang dihormati sekalian.

Assalamualaikum Warahmatullahi Wabarakatuh,
Salam Sejahtera dan Salam Malaysia MADANI.

1. Alhamdulillah, dengan izin Allah SWT, kita semua dapat berkumpul di sini atas penganjuran Karnival Sukan Mahasiswa Universiti Teknologi MARA kali ke-29 bagi tahun 2024 atau lebih dikenali sebagai KARiSMA 2024. Saya berasa amat berbesar hati dan berbangga untuk berada di sini bagi menyempurnakan **Perasmian Karnival Sukan Mahasiswa UiTM** pada kali ini.

2. Saya ingin mengucapkan ribuan terima kasih atas jemputan serta tahniah kepada **seluruh warga** Universiti Teknologi MARA khususnya UiTM Cawangan Negeri Sembilan yang berjaya menganjurkan satu acara

kejohanan sukan yang diadakan dengan penuh semangat dan dedikasi. Acara ini membuktikan betapa pentingnya sukan dalam membina semangat kebersamaan, memperkukuhkan kesihatan, dan membentuk personaliti yang cemerlang di kalangan rakyat kita selaras dengan **Visi Sukan Negara 2030** di mana sukan dilihat sebagai alat perpaduan yang ampuh dalam masyarakat serta melahirkan atlet bertaraf antarabangsa.

3. Saya sangat menghargai peranan universiti sebagai pusat pengetahuan dan pembinaan bakat. Saya percaya KARISMA ini bukan hanya merupakan tempat untuk mengukir nama dalam arena sukan, tetapi juga untuk membina semangat persatuan dan semangat kepimpinan di kalangan mahasiswa.

4. Dalam acara ini, kita melihat bukan hanya atlet yang cemerlang tetapi juga pemimpin masa depan yang sedang berkembang melalui pengalaman sukan di universiti ini. Sukan mampu membentuk keperibadian, menanam semangat kecekalan, dan membuka peluang untuk mencapai kejayaan dalam pelbagai bidang.

5. Saya juga percaya bahawa pembangunan negara bukan hanya berkisar pada aspek ekonomi semata-mata, tetapi juga melibatkan penyertaan dan pembangunan rakyat secara menyeluruh. Sukan memainkan peranan penting dalam mencapai matlamat ini dengan membentuk generasi yang cergas, bijak, dan berdaya saing tinggi selari dengan **Dasar Belia Negara**.

Hadirin yang dihormati,

6. Saya juga ingin mengucapkan tahniah di atas kejayaan Memorandum Perjanjian di antara pihak UiTM dan **MBAS TECH PLT** sebentar tadi. Semoga melalui kerjasama yang wujud lebih memberikan ruang yang efektif dan idea kolaborasi yang mampu memajukan institut pendidikan tinggi selari dengan kehendak kemajuan teknologi terkini. seperti Pembangunan **Sistem Bersepadu Pengurusan Sukarelawan** atau lebih dikenali sebagai VMIS bagi memastikan kelancaran pengurusan sukarelawan bagi KARiSMA kali ke-29 ini selaras dengan **Pelan Ekonomi Digital Negeri Sembilan 2027**. Tahniah UiTM dan MBAS TECH PLT!

7. Melalui **Pelan Rancangan Pembangunan Negeri Sembilan 2021-2025 bertemakan “Negeri Sembilan Progresif, Sejahtera dan Lestari”**, Kerajaan Negeri merancang kemajuan ekonomi setempat yang memanfaatkan sepenuhnya sumber tempatan; mengurangkan jurang perbezaan kualiti hidup penduduk bandar dan luar bandar; memperkasakan infrastruktur, kemudahan sokongan, kesinambungan dan akses kepada teknologi dan perkembangan dunia semasa; dan memperkasa modal insan tempatan untuk meningkatkan produk dan daya saing negeri.

8. Penganjuran KARiSMA yang berlangsung sejak 25 Februari lalu dan difahamkan akan berakhir pada 4 Mac telah berjaya menghimpunkan lebih daripada 1000 orang atlet UiTM termasuk penglibatan staf, para sukarelawan dan penyertaan pihak industri tempatan. Syabas saya

ucapkan kepada pihak penganjur kerana berjaya memeriahkan suasana sukan sekitar Negeri Sembilan ini. Alhamdulillah, Kerajaan Negeri sentiasa menyokong dan memberikan ruang perbincangan terbuka untuk penganjuran program sukan sebegini bertepatan dengan **sembilan teras dalam Aspirasi Perpaduan Negeri Sembilan**.

9. Penganjuran kejohanan yang mengutamakan kebajikan setiap peserta dan persiapan yang sangat baik membuktikan UiTM sentiasa bekerjasama dengan pihak-pihak tanggungjawab yang terlibat terutama pihak Kerajaan Negeri dalam memastikan kelancaran kejohanan yang mengikut garis panduan dan dasar-dasar Kerajaan. Ini sangat penting agar setiap aktiviti yang berlangsung mencapai objektif pembangunan sukan dan pendidikan dalam menyediakan satu platform terbaik dalam melestarikan pembangunan sosial rakyat.

Hadirin yang dihormati sekalian,

10. Akhir kata, sekali lagi saya mengucapkan tahniah kepada UiTM Cawangan Negeri Sembilan atas kejayaan penganjuran KARiSMA 2024 ini di bawah pimpinan **Profesor Dr. Yamin Yasin** dan seluruh jawatankuasa KARiSMA 2024.

11. Dengan lafaz Bismillahirrahmanirrahim, saya dengan sukacitanya merasmikan **Karnival Sukan Mahasiswa UiTM ke-29 (KARiSMA 2024)**.

Sekian, Wabillahitaufiq Walhidayah Wassalamualaikum warahmatullahi wabarakatuh.

